

四庫全書

經部

欽定四庫全書


禮書卷一百

宋 陳祥道 撰

禮書圖


束冪

茅為之末其
本飾以朱



編纂

中茅為之編其
飾以朱



欽定四庫全書

大扁飾以朱

禮書
卷一百



小扁飾以朱




疏布 白色


卷一百

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

畫布巾 畫斧




兼巾




有虞氏椀

色朱而沒
四足皆直




夏后氏巖

同色朱形與前
加以橫距




商棋

下色白四足曲



周房俎



束冪

茅為之束其
本飾以朱

編冪

茅為之編其
中飾以朱

大扃

飾以朱

小扃

飾以朱

公食大夫禮甸人陳鼎設扃冪若束若編考工記曰廟
門容大扃七箇闔門容小扃三箇說文曰扃外門之闕
也蓋鼎扃之制取象於門扃而廟門之度取數於鼎扃
取數於鼎扃則鼎之出入有容矣大扃牛鼎之扃也小

肩羊豕鼎之肩也鄭氏謂牛鼎之肩長三尺腳鼎之肩長二尺然腳鼎乃牛鼎之陪者也以小肩為腳鼎之肩而不以為羊豕鼎之肩者以其長止二尺故也肩謂之鉉亦謂之鼎易稱玉鉉金鉉說文曰鼎以橫木貫耳而舉之則木其質也金玉其飾也冪茅為之長者束本短者編中陳鼎必於門外舉之則去冪然後入既入則抽肩然後加匕

疏布巾

白色

畫布巾畫斧

周官冢人祭祀以疏布巾冢八尊以畫布巾冢六爨蓋
八尊以獻及於天地故巾疏而不畫六爨以裸施於宗
廟故巾畫而不疏冢人言疏布巾則畫用精者可知言
畫布巾則疏之不畫可知巾以覆為用象天之體畫必
以黼天事武也鄭氏曰周尚武畫黼其用文德則黻可
又曰畫者畫其雲氣歟此皆不可考也燕禮公尊冢用
綌若錫大射冢用錫若絺士喪冢用功布士虞冢用絺

鄉飲酒士昏特牲冪皆用綌

少牢合尊皆有冪蓋亦用綌以鄉飲酒知之

蓋

人君尊也故燕與大射之冪用葛若錫冬夏異也人臣卑也故鄉飲昏喪祭之幕用葛而已冬夏同也然士冠禮禮賓贊禮禮婦聘禮禮賓皆用醴而無幕以醴質故也醴用酒亦無冪從禮子之質故也燕禮君尊有冪方壺園壺無冪卑屈於尊故也昏禮尊於室內有冪尊於房戶外無冪賤屈於貴故也若夫鄉飲舉則無所屈焉故皆有冪大射之禮冪綴諸箭則異於他冪矣

籩豆巾

纁裏

兼巾

特牲籩巾以絡纁裏士昏醢醬二豆菹醢四豆兼巾之士喪籩豆用布巾士昏笄緇被纁裏聘禮竹簋方玄被纁裏有司徹簋有益冪然則冪巾不特施於尊彝而已簋籋籩豆皆有之也冪人凡王巾皆黼則諸侯大夫士之巾不畫黼矣

四代之俎

有虞氏梲

色朱而淺
四足皆直

夏后氏巖

色朱形與前
同加以橫距

商棋

色白四足曲
下有橫距

周房俎

明堂位曰俎有虞氏以梲夏后氏以巖商以棋周以
房俎蓋斷木為梲橫距為巖棋之木多橈房之制有
戶闕虞氏之俎斷木四足而已夏氏之俎加橫距焉
商曲其足若棋然周又設下跗於兩端若房然是商

之橫距與夏同而曲其足與三代異周之下跗與三代異而直其足與虞夏同詩言大房傳言房烝此房俎也少牢禮言俎距此橫距也其高下修廣無文舊圖謂高二尺四寸廣尺二寸不可考也莊周曰加肩尻于雕俎之上唐褚遂良曰禹雕其俎士喪禮有素俎蓋雕俎始於禹而後世用之於吉凶者文質於是異矣牲體之在鼎曰胾在俎曰載魚載則縮肉載則衡鼎俎貴奇籩豆貴偶奇以象陽偶以象陰觀聘禮

有牛羊豕魚腊腸胃膚鮮魚腊之九鼎腳臠臠之三
鼎少牢五鼎五俎特牲三鼎三俎而所俎非正俎周
官膳夫鼎十有二陪鼎非正鼎玉藻諸侯日食三俎
朔月五俎則鼎俎奇可知矣然有司徹有六俎者蓋
尸也侑也主人也主婦也各一俎司馬之羞羊醢也
司士之羞豕醢也各一俎俎列而陳之則貴奇散而
用之雖偶可也

欽定四庫全書

禮書
卷一百

禮書卷一百


欽定四庫全書

禮書卷一百一

宋 陳祥道 撰


禮書圖



敦鄭氏曰士喪禮敦啓會面足鄭氏曰面足執之令足
間鄉前即敦足非如舊圖然也近代有得古敦於地
中亦三足虞敦
玉敦金敦附




虞氏之敦無飾
後世飾以金玉

廢敦
無飾
無足







簋
大夫以下
無鏤簋




豆
有玉
有揭
豆




簋
之有膝喪祭
無膝祭




竹簋方



登



金匱要略卷一百一
雕匣



敦

鄭氏曰士喪禮敦啓會面足鄭氏曰面足執之合兩足間鄉前即敦足非如舊圖然也近代有

得古敦於地中亦三尺虞敦玉敦金敦附

虞敦

虞氏之敦無飾後世飾以金玉

廢敦

無足無飾

周禮玉府若合諸侯則共珠槃玉敦

敦槃類珠玉以為飾古者以槃盛血

以敦盛食合諸侯者必割牛耳取其血歃之以盟珠槃以盛牛耳尸盟者執之故書珠為夷鄭司農云夷槃或為珠槃玉敦歃血玉器九嬪凡祭祀贊玉盥

玉盥玉敦受黍稷禮器后進之而不徹

記內則曰敦牟非餒莫敢用

敦牟黍稷器

明堂位有虞氏之

兩敦夏后氏之四璉殷之六瑚周之八簋

皆黍稷器制之異同未聞

士昏禮期初昏饌于房黍稷四敦皆益婦至贊啓會卻于敦南對敦于北少牢禮主婦自東房執一金敦黍有

益

敦有首者尊者器飾也飾益象龜者周人禮飾器各以其類龜有上下甲

士喪禮廢敦重

鬲皆濯

廢敦敦無足者所以盛米

朔月奠無邊有黍稷用瓦敦有益

當遵位徹朔奠敦啓會面足

面足執之令足間鄉前敦有足則敦之形如今酒敦

既夕用器兩敦兩杆槃匱無祭器有燕樂器可也士虞贊設兩樽于俎南特牲禮盛兩敦陳于西堂藉用荏

簠簋

大夫以下
無饌簋

舍人凡祭祀共簠簋實之陳之

方曰簠圓曰簋盛黍稷
稻梁罷正義曰方曰簠

圓曰簋皆據外而言案孝經云陳其簠簋注曰內圓外
方受斗二升者直據簋而言若簋則內方外圓知皆受
斗二升者旋人云為簠實一穀豆實三而咸斛豆四升
三豆則斗二升可知但外神用瓦簠宗廟當用之故易
損卦云二簠可用享損卦以離巽為之離為
日日圓巽為木木罷圓簠象是用木明矣

掌客凡諸

侯之禮簠十鼎簋十有二侯伯簠八鼎簋十有二子男

簠六鼎簋十有二

簠稻梁罷也公十簠堂上六西夾東
夾各二也侯伯八簠堂上四西夾東

夾各二子男六簠堂上二西夾東夾各二簠黍稷罷也
簠十二者堂上八西夾東夾各二合言鼎簋者牲與黍

稷俱食之主也

考工記旂人為簋實一鬴崇尺厚半寸豆實三

而成鬴崇尺

豆實四升

玉藻朔月少牢五俎四簋

朔月四簋則日食梁

稻各一簋而已

明堂位周之八簋

黍稷

樂記簋簋俎豆制度文

章禮之器也祭統以四簋黍見其修於廟中也廟中者

境內之象也聘禮有司入陳堂上八豆設于戶西西陳

皆二以並東上韭菹其南醢醢屈八簋繼之黍其南稷

錯六銅繼之牛以西羊豕豕南牛以東羊豕兩簋繼之

梁在北西夾六豆設于西墉下北上韭菹其東醢醢屈

六簋繼之黍其東稷錯四鉶繼之牛以南羊羊東豕豕
以北牛兩簋繼之梁在西皆二以並南陳

豆

有揭豆
有玉豆

周禮醯人掌四豆之實朝事之豆饋食之豆加豆之實
羞豆之實凡祭祀共薦羞之豆實賓客喪紀亦如之九
嬪凡祭祀贊后薦徹豆籩內宗掌宗廟之祭祀薦加豆
籩及以樂徹則佐傳豆籩外宗掌宗廟之祭祀佐王后
薦玉豆眡豆籩掌客凡諸侯之禮豆四十夫人致禮八

豆侯伯三十有一夫人致禮八豆子男豆二十有四夫人致禮六豆梓人一獻而三酬則一豆矣食一豆肉飲一豆酒中人之食也禮記王制天子諸侯無事則歲三田一為乾豆禮運體其犬豕牛羊實其簠簋籩豆鉶羹禮器禮有以多為貴者天子之豆二十有六有以少為貴者諸侯相朝無籩豆之薦晏平仲祀其先人豚肩不掩豆郊特牲鼎俎奇而籩豆偶陰陽之義也籩豆之實水土之品也明堂位夏后氏以楬豆殷玉豆周以獻豆

揭無異物之飾也獻疏刻之齊人謂無髮為禿揭

樂記簠簋俎豆制度文章禮

之器也鋪筵席陳尊俎列籩豆以升降為禮者禮之末

節也故有司掌之祭統夫祭也者三牲之俎八簋之實

美物備矣君執鸞刀羞膻夫人薦豆此之謂夫婦親之

祭統夫人薦豆執校執醴授之執鐙尸酢夫人執柄夫

人受尸執足

校豆中央直者也執醴授醴之人授夫人以豆則執鐙鐙豆下跗也

鄉飲酒

六十者三豆七十者四豆八十者五豆九十者六豆所

以明養老也燕義士舉旅行酬而后獻庶子俎豆牲體

薦羞皆有等差所以明貴賤也聘禮有司堂上八豆設于戶西西陳皆二以並東上韭菹其南醢醢屈西夾六豆設于西墉下北上韭菹其東醢醢屈公食大夫六豆上大夫兩豆士婚四豆士喪髡豆兩既夕四豆士虞四豆特牲兩豆少牢四豆有司徹四豆

籩有滕喪祭之籩無滕

周禮籩人掌四籩之實

籩竹器如豆者其容實皆四升

朝事之籩饋食

之籩加籩之實羞籩之實凡祭祀共其籩薦羞之實喪

事及賓客之事共其薦籩羞籩九嬪凡祭祀贊后薦徹
豆籩內宗掌宗廟之祭祀佐王后薦玉豆眡豆籩掌客
凡諸侯之禮夫人致禮八籩侯伯夫人致禮八籩子男
夫人致禮六籩禮記禮器有以少為貴者諸侯相朝無
籩豆之薦郊特牲鼎俎奇而籩豆偶陰陽之義也籩豆
之實水土之品也明堂位夫人薦豆籩儀禮士冠禮再
醑兩籩栗脯鄉射禮記大夫與則公士為賓薦脯用籩
五臠祭半臠橫于上臠長尺二寸

脯用籩籩宜乾
助也臠猶挽也士喪

禮東方之饌兩邊無滕

滕緣也

考工記旃人為簋實一轂崇尺豆實三而成轂

轂容斗二

也升崇尺中繩爾雅木豆謂之豆竹豆謂之籩瓦豆謂

之登說文古簋作杝蓋簋豆有以瓦為之有以木為

之先儒謂宗廟之簋豆用木天地之簋豆用瓦然詩

述祀天之禮言于豆于登則祀天有木豆矣儀禮少

牢饋食有瓦豆則宗廟有瓦豆矣穀則簋之類簋則

簋相須者也士喪禮有瓦敦而簋之有瓦與否不可

考也儀禮曰蓋執豆又曰簠有蓋罍又曰設四敦皆
南首則簠簠敦豆登皆有蓋而敦之蓋有首先儒以
為簠簠敦之蓋皆象龜形義或然也管仲饔飩禮以
為饔則大夫士之簠刻龜於蓋而已非若人君全饔
之也簠內圓外方其實稻梁簠外圓內方其實黍稷
周官掌客五等諸侯簠數有差而簠皆十二有簠膳
而已簠非為膳焉用簠則簠從用簠則簠或不預是
簠尊而簠卑也遵有膳緣其實乾實豆若肱然其實

菹醢登則人執而登之其實大羹之涪旄人簋豆皆

崇尺則簋敦遵之崇可知簋實一斛則敦簋之量可

知士喪禮敦有足則簋簋有足可知

士喪禮敦會面足無足曰廢敦

士虞特牲敦有藉

虞敦藉以葦席祭敦藉以蔀

則簋簋遵豆之有

藉可知士喪特牲遵有巾

士喪兩遵布巾特牲遵巾以綌纁裏

公食大

夫簋有蓋冪則簋敦豆之有巾可知有虞氏曰敦夏

曰璉商曰瑚周曰簋夏曰楬豆商曰玉豆周曰獻豆

而虞氏之敦在周用之於士大夫故儀禮大夫之祭

有敦無簋特牲佐食分簋鉶而先儒以為同姓之士
得從周制是也夏后之揭豆在周用之於喪禮故儀
禮士喪既豆兩實葵俎是也

既白也

周曰獻豆非不以

玉飾也士虞禮獻豆兩亞之則獻豆猶所謂獻尊也
周禮玉府有玉敦九嬪有玉盥先儒以玉盥為玉敦
豈以其盛黍稷而因名之乎祭統夫人薦豆執校執
醴授之執鐙鄭氏謂校豆中直者鐙足下跗然則考
工記所謂中縣者校也天子玉敦大夫金敦

少牢夫
人載金

敦則士敦無飾可知魯用彫簋

簋屬也

士喪禮簋無滕

則士大夫吉祭之簋有滕無彫可知舊圖簋簋登簋豆皆崇尺二寸而簋簋敦豆皆漆赤中考之於書若作梓材既勤樸斲惟其塗丹腹周語亦曰器無彫鏤儉也先王之器多飾以赤而玉人勺亦珠中則漆而赤中理或然也然崇尺二寸之說與旃人之制不同是臆論也周官掌客公簋十侯伯簋八子男簋六而簋皆十二公食上大夫之簋八下大夫之簋六聘禮

饗饋上大夫之簋二十詩言天子之禮陳饋八簋王
藻言諸侯朔月四簋詩言每食四簋多於天子公食
上大夫之簋與天子之禮同秦臣每食之簋與諸侯
朔食之禮同何也蓋聘禮上大夫之簋二十掌客諸
侯之簋十二公食上大夫之簋八有所陳者存焉天
子八簋則其所食者也公食下大夫六簋則公日食
四簋可知日食四簋而朔月亦食四簋此異代之禮
也觀周官王之日食用六牲則諸侯日食非止特牲

也王鼎十有二物皆有俎則諸侯日與朔食非止三俎與五俎也而玉藻所記一切與周禮不類則異代之禮可知也周官籩人醢人有朝事饋食之籩豆與加籩羞籩加豆羞豆凡二十有六祭祀之籩豆其數如此則饗食之禮豈過是哉禮器所謂天子之豆二十有六是也推此則諸公十有六諸侯十有二上大夫八下大夫六而少牢大夫四豆蓋大夫食於公與祭於己者異矣周官掌客上公豆四十侯伯豆三十

有二子男豆二十有四而食皆稱之

先儒謂豆正羞
食庶羞庶羞亦

也豆

公食下大夫六豆上大夫八豆聘禮致饗餼於上

大夫堂上八豆西夾六豆然則禮器之豆數用數也
掌客之豆數陳數也春秋之時鄭享楚子加籩豆六
品晉享季孫夙有加籩蓋古者籩豆有加者皆所以
優尊之也豆實菹醢者也而晏子豚肩不掩豆菹醢
濡物也而田獵所獲為乾豆者蓋豚肩不掩豆譏其
用小牲非必以豆實豚也醢醢必乾折然後漬之非

謂以豆實乾也鼎俎奇而籩豆偶而鄉飲酒六十者
三豆七十者四豆八十者五豆九十者六豆而數不
皆偶者此又視年高下而隆殺之不可以常禮限之
也

竹簋方

聘禮大夫使下大夫以二竹簋方玄被纁裏有蓋考
工記玉人案十有二寸棗栗十有二列諸侯純九大
夫純五夫人以勞諸侯鄭氏謂竹簋方以竹為之實

以棗栗乃加于案其說是也玉人言諸侯以見二王
之後言夫人以見后則棗栗十有二列以勞二王之
後可知也夫人以勞諸侯則后可知也觀酒正漿人
有后大夫致飲於賓客之禮是賓客之禮后夫人預
之也鄭氏謂夫人王后也記時諸侯僭稱王而夫人
之號不別是以同王后於夫人其果然乎謂之簋方
則大小長短如簋而方耳舊圖圓其口觚其名則名
實不類

登

登瓦器也儀禮作鐙則登亦金為之其實大羹食禮
用之飲酒不用故公食大夫設于醬西鄉飲鄉射燕
禮不設也士虞特牲有司徹皆設之少牢不言設者
以特牲有司徹見之也

欽定四庫全書

經部
禮書卷一百一十五

詳校官尚書臣德保

給事中臣溫常綬覆勘

總校官檢討臣何思鈞

校對官中書臣陸湘

謄錄監生臣蔣聲源


繪圖監生臣徐溥

欽定四庫全書

禮書卷一百上


宋 陳祥道 撰

禮書圖
鑊



錡







鍍




鼎



甗
鄭司農曰甗無底甗
鄭康成曰如甗一孔



甌
穿七



泰七



挑
匕



疏
七





鑊

錡

釜

鑊

周禮亨人共鼎鑊以給水火之齊小宗伯祭之日逆
齋省鑊小司寇禋祀五帝實鑊水士師祀五帝洎鑊
水少牢饗人陳三鼎在羊鑊之西二鼎在豕鑊之西
詩傳曰有足曰錡無足曰釜又曰鬲釜屬說文曰江

淮之間謂釜曰錡又曰鑊鑊也鑊釜大口者又曰朝
鮮謂釜曰鑊鬻大釜也一曰鼎上天下小若甑曰鬻
爾雅曰疑足謂之鬻蓋鑊也鑊也釜也鬻也錡也鬻
也鑊也鑊也皆烹飪之器也錡有足者也鬻空足者
也鬻大釜也鑊釜口大者也詩以錡釜湘菜以釜鬻
烹魚周禮儀禮以鑊烹牲則鑊又大于釜矣

鬻

考工記陶人鬻實五觔厚半寸脣寸爾雅窳足謂之

鬲郭璞曰鼎曲脚也然先儒皆以竅為空太史自序
曰實中其聲者謂之端實不中其聲者謂之竅則竅
非曲也喪禮有重鬲蓋亦取名於鼎鬲歟

甗

鄭司農曰甗無底甗
鄭康成曰如甗一孔

甗

穿

考工記陶人為甗實二鬴厚半寸脣寸盆實二鬴厚
半寸脣寸甗實二鬴厚半寸脣寸七穿少牢禮雍人
撤鼎七廩人撤甗爾雅甗謂之鬻鬻鋤也孫炎曰

關東謂甑為鶩涼州謂甑為鈔方言曰自關而東或謂之甑或謂之鶩或謂之酢餹甑陶器也春秋之時齊有玉甑則其所以實者也鶩大釜也毛氏許慎以鶩為釜屬而爾雅方言以鶩為甑則其名同者也考工記豆實三而成甗則甗之所容斗二升矣庾實二甗則二斗四升也聘禮十六斗曰庾申豐曰粟五十庾杜預亦曰庾十六斗

昭二十六年左

則庾固有大小者也

鄭司農曰甑無底甑鄭康成釋儀禮曰甑如甑一孔

蓋無底則一孔而已實菹醢者豆而量容四升亦曰
豆容六升謂之庾而容二斗四升亦謂之庾有臀謂
之釜而無足亦謂之釜則釜屬謂之鬺甑亦謂鬺可
也謂鼎上天下小若甑曰鬺則鬺非特名甑而已

黍乚

挑乚

疏乚

桑乚

雜記云杞以桑長三尺或曰五尺易曰不喪匕鬯詩
曰有捄棘匕特牲禮棘心匕刻少牢饋食禮雍人概
鼎匕俎于雍饗廩人概甑甗匕與敦于廩饗有司徹
司馬以二手執挑匕枋以挹酒注于疏匕若是者三
又云雍正雍府加匕于鼎東枋雍人覆二疏匕于俎
上蓋匕之別有四有黍稷之匕有牲體之匕有疏匕
有喪匕三匕以棘喪匕以桑廩人之所概黍稷之匕
也雍人之所概牲體之匕也牲體之匕挑匕也其制

則黍稷之匕小于挑匕挑匕小于疏何則敦之量不
過三豆而高不過一尺則黍稷之匕小矣挹之以挑匕然
後注于疏匕者三則疏匕大矣詩于角弓兕觥皆言
其觶于天畢與匕皆言有挹則匕之制非挺然也儀
禮或作札或作匕所謂執匕概匕取匕加匕覆匕自
匕言之也所謂札魚札者乃札長札卒札自用匕言
之也特牲少牢有司徹公食昏禮舉鼎執匕俎皆異
其人士喪禮執匕執俎皆舉鼎者為之吉禮尚文喪

禮尚畧故也特牲右人于鼎北匕肉左人于鼎西載
諸俎士虞禮則右人載者以古禮尚右喪禮尚左故
也

禮書卷一百二

欽定四庫全書

禮書卷一百三

宋 陳祥道 撰

禮書圖

棘畢



桑畢




醴
色白




銅
色赤



鼓



緊




考工記甬

亦謂之釜重一
鈞容六斗四升



耳三寸實一升鄭氏曰
耳在旁可舉也賈公彥
曰謂覆之所受脣一寸
實一豆杜子春云覆之其
底深一寸

律歷志 甬
容重千鈞
十斗



上三斛升合下二斗龠
龠雖在耳布覆與計同
故亦謂之甬斛上下皆
圓其外以圓函方欲其
聲之圓也為升合龠欲
其聲之不韻也鍾之有
乳意亦若此

棘畢

桑畢

爾雅曰濁謂之畢濁畋器也

郭氏曰掩兔之畢

畋器曰畢祭

器亦曰畢皆象畢星也詩曰兕觥其觶角弓其觶有

捄棘乂有捄天畢捄者曲而長也則畢之狀可知矣

鄭氏曰畢狀如乂

雜記言柩用桑長三尺畢用桑長三尺刊

其柄與末詩言棘乂特牲記亦言棘心乂刻喪乂用

桑而畢亦桑則古乂用棘而畢亦棘此鄭氏所以言

匕畢同材也然桑黃棘赤各致其義舊圖謂匕畢皆
漆之誤矣特牲主人及佐食舉牲鼎宗人執畢先入
贊者錯俎加匕鄭氏曰主人親舉則宗人執畢導之
以畢臨匕載備失脫也少牢及虞禮無文何哉少牢
大夫不親舉虞祭主人未執事其說是也大射司馬
正東面以弓為畢鄭氏曰畢所以教助執者則畢又
可用以指教歟

醴色白

銅柶 色赤

說文曰柶乚也鄭氏曰柶如乚士冠士婚禮柶皆用

角士喪醴柶皆用木以木質于角故也

士喪東方之饌用木柶既

夕厥明奠用木柶

王府大喪共角柶士喪楔蓋用角柶以角

貴于木故也柶施於醴亦施於銅公食大夫少牢饋

食銅柶不言其材蓋亦角為之歟其制則先儒以為

枋長尺攔博三寸醴柶之攔淺銅柶之攔深理或然

也柶之所用有多有寡授柶之禮有面枋有面葉公

食大夫設柶鉶而柶扱上鉶少牢羞二鉶皆有柶蓋
仁於賓者以同為樂仁於神者以異為敬故也冠禮
贊者既酌面葉以授賓賓面枋以授冠者冠者面葉
以扱祭昏禮贊者既酌面葉以授主人主人面枋以
授賓賓亦面葉以扱祭聘禮宰夫既酌面枋以授公
公面枋以授賓而授公不面葉蓋冠之賓昏之主人
必訝受而公不訝受故也

鼓

記曰獻粟米者操量鼓左傳曰晉國以一鼓鐵鑄刑

鼎荀子曰瓜桃棗李一本數以盆鼓管子曰釜鼓滿

則人概之隱義云東海樂浪人呼容十二斛為鼓王肅

注家語曰三十觔謂之鈞鈞四謂之石石四謂之鼓夫五量終于斛而鼓又十

二之秉又十六之蓋五者數之備過是者亦推此而

已

槩

律歷志以子穀秬黍中者千有二百實其龠以井水

准其槩月令仲春正權槩荀子曰勝斛敦槩者所以
為嘖也又曰水盈不求槩管子曰釜鼓滿則人槩之
曲禮曰食饗不為槩考工記曰槩而不稅說文曰稅
平也謂斗槩則槩以竹木或為之五量資之以為平
也

考工記 黼

亦謂之釜重一
鈞容六斗四升

律歷志 黼

重二鈞
容十斗

史及家語曰黃帝設五量考工記槩氏為量改煎金錫

則不耗不耗然後權之權之然後準之準之然後量之
量之以為鬴深尺者內方尺而圓其外其實一鬴其臂
一寸其實一豆其耳三寸其實一升重一鈞其聲中黃
鍾之宮槩而不稅前漢律歷志量者龠合升斗斛也本
起于黃鍾之龠以子穀秬黍中者千有二百實其龠以
井水準其槩合龠為合十合為升十升為斗十斗為斛
而五量嘉矣其法用銅方尺而圓其外旁有廐焉其上
為斛其下為斗左耳為升右耳為合龠其狀似爵以縻

爵祿上三下四參天兩地圓而函方左一右二陰陽之

象也其圖象規其重二鈞備氣物之數合萬有一千五

百二十聲中黃鍾始于黃鍾而反覆焉春秋傳

昭三年齊

舊四量豆區

鳥侯反管
子作鉅

釜鍾四升為豆各自其四以登

于釜釜十則鍾

區十六升釜六斗
四升鍾六斛四斗

爾雅曰劑二升二劑

為豆豆四升四豆曰區四區曰釜二釜四有半曰庾周

禮凡萬民之食人四鬴上也人三鬴中也人二鬴下也

聘禮十斗曰斛十六斗曰數

鄭氏曰今
文數為逾

十數曰束

十六
斛

論語曰冉子為子華之母請粟孔子與之釜請益曰與

之庾冉子與之粟五秉月令仲春仲秋角斗角

鄭氏曰角今斛

也管子曰斗斛也角量也謂之法

角亦量器之名

又曰釜錡之

數不得為侈弇爾雅曰坎律銓量也

稟氏以鬴為量而法止于三則升豆鬴是也律歷志

以斛為量而法備于五龠合升斗斛是也法止于三

故自升而上登之以四則升四而豆豆四而鬴故鬴

六斗四升法備于五故自合而上登之以十則合十

為升升十為斗斗十為斛故斛十斗然稟氏之黼深
尺內方尺而圓其外其重一鈞律歷志之斛亦方尺
而圓其外其重二鈞其方尺圓外則同而所容之多
寡所權之輕重不同何也周禮璧羨之制從十寸橫
八寸皆為度尺黼亦如之則外深尺者十寸之尺也
內方尺者八寸之尺也自方八寸而八之則為方六
十四寸漢無八寸之尺斛之內方皆十寸也故言方
尺而不言深尺自方十寸而十之則為方百寸此其

實所以不同也。臬氏之制，旁為升，臂為豆，腹為鬴。律歷志之制，左耳為升，右耳為合，脣為斗，腹為斛。蓋內方所以取數，外圓所以利用。耳高而小，臂卑而博，故因其小者為升，合因其博者為斗。豆則古之制器，尚象豈徒然哉？周禮：上年人食四鬴，則二斛五斗六升；中年人食三鬴，則一斛九斗二升；食貨志：人月一石五斗五人，終歲為九十石。然則四鬴三鬴云者，亦月食也。其多寡不同，皆其大率然也。律歷志五量止。

于斛左傳釜十則鍾聘禮十六斛曰數十數曰秉四
秉曰筥其法亦起于斛故也月令曰角斗角管子曰
角量也皆謂之法則月令之角管子之角皆量器也
鄭康成以角為斛而飲器四升曰角宜此類歟經傳
觶或作釜庾或作逾區或作謳升或作勝蓋古字通
用

禮書卷一百三

欽定四庫全書

禮書卷一百四

宋 陳祥道 撰

禮書圖

洗之為制高三尺口徑一尺五寸足徑三尺士以鐵為之
大夫以上銅為之諸侯白金飾天子黃金飾此不可考然
禮坐奠饌與洗則洗之尺蓋有所傳然也



罍

鄭釋儀禮謂罍水器尊卑皆用金罍大小異然謂之罍蓋飾以雲雷之象孔穎達釋詩謂金罍金飾龜目



槃

既夕特牲禮皆匱錯于槃中南流內則曰敦牟危匱

流池一口也設匱必南流則盟者北面矣觀特牲少牢
禮尸入奉槃者東面奉匱者西面奉俎中者南面于槃
北乃沃尸盥則盥者北面可以注水



也




料

考工記梓人為勺一升料同類也斂矢謂丑斗與此料同




盆
士
盤



筥


說文曰筥筥也宋觀之間謂箸筥為
筥則其制圓而長矣米筥蓋亦類此



篋

欽定四庫全書

禮書




五


算

卷一百四




簞





匣



洗

壘

槃

匱

科

盆

士喪
盆盥

周禮鬱人凡裸事沃盥小祝大祭祀沃尸盥小臣大祭祀朝覲沃王盥御僕大祭祀相盥而登天府凡吉凶之

事祖廟之中沃盥士師祀五帝則沃尸及王盥洎鑊水
士冠禮設洗直于東榮士昏設洗于阼階東南鄉飲酒
鄉射設洗于阼階東南皆水在洗東大射設洗于阼階
東南壘水在東燕禮設洗篚于阼階東南壘水在東特
牲設洗于阼階東南尸盥匱水實于槃中簞巾在門內
之右少牢司宮設壘水于洗東有科小祝設槃匱與簞
巾于西階東

盛水者壘也斟水者科也盛棄水者洗也天子諸侯

之屋四注故洗當東霤大夫士之屋兩下故洗當東
榮水在洗東祖左海也南北以堂深則遠近也公食
大夫鄉飲鄉射言洗與水而不及壘大射燕禮言壘
水而不及料少牢兼言壘水有料互相備矣故鄭氏
于少牢言凡設水用壘沃盥用料禮在此也洗皆在
東階士虞設于西階西南反吉禮也篚皆在洗西士
虞篚在洗東以洗在西階也然壘洗者臣下之所就
熟耳若人君與尸則有槃匱焉公食大夫小臣具槃

匱在東堂下士虞匱水錯于槃中南流特牲尸盥匱

水實于槃中少牢小祝設槃匱蓋人君與尸尊不就

洗故設槃匱則匱之用猶盥水也槃之用猶洗也

元開

禮皇帝皇后行事有槃匱亞獻以下士喪設盥盥于及攝事者無之亦尊君不就洗之義

饌東則奠禮未用盥洗歟

宮

說文曰宮甬也宋魏之間謂甬甬為甬則其制圓而長矣米宮蓋亦類此

詩曰維匱及宮匱之宮之周禮舍人賓客共其宮米

掌客上公米百二十宮侯伯百宮子男八十宮左傳

曰筐筥錡釜之器聘禮君使卿歸饗餼賓與上介皆
米百筥筥半斛夫人使大夫歸饗餼賓上介米八筥
士介六筥筥五斛夫百筥以多為榮而所實少八筥
六筥以少為質而所實多則筥大而筥小矣於文筥
正而筥圓之則筥方而筥圓矣杜預曰方曰筥圓曰筥天下之
物固有同名而異實聘禮記曰四秉曰筥十筥曰稷
則秉把也與十藪之秉不同筥穊也與半斛之筥不
同

篋

士冠禮緇布冠缺項以至緇紐紃同篋士喪禮復衣受用篋浴衣盛以篋禮記言入學鼓篋史言亡書三篋則篋所以盛衣亦盛書也鄭氏曰隋方曰篋隋者狹而長也篋亦謂之笈史稱蘇章負笈

笄

昏禮婦執笄棗栗以見舅又執笄服修以見姑舅姑沒則執笄菜以見廟聘禮釋幣埋之實以笄士喪禮

貝三實以筭沐浴巾盛以筭昏禮記曰筭緇被纁裏
加于橋鄭氏曰筭竹器而衣者其形蓋如今之宮簋
此以漢制況之也舊圖筭揜上於理或然

簠

筭

儀禮士冠士喪實櫛于簠士虞特牲少牢盥以簠巾
禮曰凡以簠筭問人者左傳曰吳王以一簠珠問趙
孟哀二十二年論語孟子簠食漢律令曰簠小筐也鄭氏釋

儀禮曰簞筭也

說文亦曰
簞筭也

釋曲禮曰圓曰簞方曰筭

簞筭飯器也然書曰衣裳在筭則筭亦盛衣

匱

士冠禮爵弁皮弁緇布冠各一匱鄭氏曰匱竹器名
今之冠箱說文曰匱淥米藪也

欽定四庫全書

禮書
卷一百四

禮書卷一百四

欽定四庫全書


禮書卷一百五

宋 陳祥道 撰

禮書圖

夫子三侯

虎侯



射儀

周禮司裘云王大射則共虎侯熊侯豹侯設其鵠諸侯

則共熊侯豹侯卿大夫則共麋侯皆設其鵠

大射者為祭祀射王

將有郊廟之事以射擇諸侯及羣臣與邦國所貢之士可以與祭者射者可以觀德行其容體比於禮其節比於樂而中多者得與於祭諸侯謂三公及王子弟封於畿內者卿大夫亦皆有采地焉其將祀其先祖亦與羣臣射以擇之凡大射各於其射宮侯者其所射也以虎熊豹麋之皮飾其側又方制之以為幕謂之鵠著于侯中所謂皮侯王之射虎侯王所自射也熊侯諸侯所自射豹侯卿大夫以下所射諸侯之大射熊侯諸侯所自射豹侯羣臣所射卿大夫之大射麋侯君臣共射焉凡此侯道虎九十弓熊七十弓豹麋五十弓列國之諸

侯大射大侯亦九十步七十步五十步遠尊得伸可同耳
所射正謂之侯者天子中之則能服諸侯諸侯以下中
之則得為諸侯鄭司農云鵠鵠毛也方十尺曰侯四尺
曰鵠二尺曰正四寸曰質玄謂侯中之大小取數於侯
道鄉射記曰弓二寸以為侯中則九十步者侯中廣丈
八尺七十步者侯中廣丈四尺五十步者侯中廣一丈
尊卑異等此數明矣考工記曰梓人為侯廣與崇方三
分其廣而鵠居一焉然則侯中丈八尺者鵠方六尺侯
中丈四尺者鵠方四尺六寸大半寸侯中一丈者鵠方
三尺三寸少半寸謂之鵠者取名於鵠鵠鵠小鳥而
難中是以中之為鵠亦取鵠之言較較者直也射所以
直已志用虎熊豹麋之皮示能服猛討達惑者射者大
禮故取司徒云六藝禮樂射御書數鄉大夫之職曰退
義衆也司

以鄉射之禮五物詢衆庶一曰和二曰容三曰主皮

四曰和容五曰興舞鄉師黨共射器州長春秋以禮射
民射于州序保氏養國子以道乃教之六藝三曰五射
白矢參連剡注
襄尺并儀也司几筵凡大朝覲大饗射凡封國命諸

侯王位設黼依依前南鄉設莞筵紛純加繅席畫純加
次席黼純左右玉几司服王饗射則鶯冕大司樂大射
王出入令奏王夏及射令奏騶虞詔諸侯以弓矢舞樂
師凡射王以騶虞為節同射儀燕射帥射夫以弓矢舞
大師大射帥瞽而歌射節鍾師凡射王奏騶虞笙師凡

祭祀饗射共其鍾笙之樂鑄師凡祭祀鼓其金奏之樂
饗食賓射亦如之車僕大射共三乏司常凡射共獲旌
射人以射法治射儀王以六耦射三侯三獲三容樂以
騶虞九節五正諸侯以四耦射二侯二獲二容樂以
騶首七節三正孤卿大夫以三耦射一侯一獲一容樂以
采蘋五節二正士以三耦射一侯一獲一容樂以采芣
五節二正若王大射則以狸步張三侯王射則令去侯
射法王射之禮治射儀謂肆之也鄭司農云三侯虎熊
豹也容者乏也侍獲者所蔽也九節析羽九重設於長

枉也。正所射也。詩云：終日射侯。侯不出，正。今二侯熊、豹也。射侯，射者獸名也。獸有羆、熊、虎。玄云：三侯者，五、正、三。而巳。此皆與賓射於朝之禮也。考工記梓人職曰：張五采之侯，則遠國屬遠國謂諸侯來朝者也。五采之侯，即五正之侯也。正之言正也。射者內志正，則能中焉。畫五正之侯，中朱、次白、次蒼、次黃。玄居外，三正損玄、黃二正，去白、蒼而畫以朱、綠。其外之廣皆居侯中，三分之一中二尺。今儒家云四尺，曰正二尺，曰鵠。鵠乃用皮，其大如正。此說失之矣。大射禮，射作干讀如宜。射宜獄之射，射胡犬也。士與士射，則以射皮飾侯。下大夫也。大夫以上與賓射，飾侯以雲氣用采，各如其正。九節七節五節者，奏樂以為射節之差。言節者，容侯道之數也。樂記曰：明乎其節之志，不失其事，則功成而德行立。鄭司農云：狸步謂一舉足為一步。於今為半步。玄謂狸善搏者也。行則止而擬度焉。其發必獲，是以量侯道者法之也。侯道

欽定四庫全書

卷一百五

各以弓為度九節者九十弓七節者七十弓五節者五十弓弓之下制長六尺大射禮曰大侯九十參七十五十是也三侯者司裘所共虎侯熊侯豹侯也列國之君大射亦張三侯數與天子同大侯熊侯也參讀為穆穆雜者豹鵠而麋諸子秋合諸射以考其藝而進退之飾下天子大夫也

大僕王射則贊王弓矢繕人掌詔王射贊弓矢之事梓人為侯廣與崇方參分其廣而鵠居一焉上兩箇與其身三下兩箇半之上網與下網出舌尋緡寸焉張皮侯而棲鵠則春以功張五采之侯則遠國屬張獸侯則王以息燕禮記曲禮君使士射不能則辭以疾言曰某有

負薪之憂王制命鄉簡不帥教者以告耆老皆朝于庠
元日習射上功凡執技論力適四方羸股肱決射御季
秋司徒搢扑北面誓之天子乃厲飾執弓矢以獵

月令
命獵

為射

孟冬天子乃命將帥講武習射御角力郊特牲孔子

曰射之以樂也何以聽何以射孔子曰士使之射不能
則辭以疾縣弧之義也內則子生男子設弧於門左成
童舞象學射御少儀侍射則約矢侍投則擁矢樂記武
王克殷散軍而郊射左射腥首右射騶虞而貫革之射

息也射義古者諸侯之射也必先行燕禮卿大夫士之射也必先行鄉飲酒之禮其節天子以騶虞為節諸侯以騶首為節卿大夫以采蘋為節士以采繁為節騶虞者樂官備也騶首者樂會時也采蘋者樂循法也采繁者樂不失職也孔子射於矍相之圃蓋觀者如堵墻射至司馬使子路執弓矢出延射曰賁軍之將亡國之大夫與為人後者不入其餘皆入蓋去者半入者半又使公罔之裘序點揚觶而語公罔之裘揚觶而語曰幼壯

孝弟耆耄好禮不從流俗修身以俟死者不在此位也
蓋去者半處者半序點又揚解而語曰好學不倦好禮
不變旣期稱道不亂者不在此位也蓋勵有存者孔子
曰射者何以射何以聽循聲而發發而不失正鵠者其
惟賢者乎若夫不肖之人則彼將安能以中書益稷曰
侯以明之太甲曰若虞機張徃省括于度則釋盤庚上
予告汝于難若射之有志詩車攻決拾既攸弓矢既調
射夫既同助我舉柴賓之初筵大侯既抗弓矢斯張射

夫既同獻爾發功發彼有的以祈爾爵

古者祈子帶弓韞生子縣桑弧其成童也教以射其

貢之也試以射則射宣君子之所可忽耶然則弧矢

之作始於黃帝

易曰弦木為弧剡木為矢世本曰黃帝之臣揮作弓夷牟作矢

侯以

明之見於虞書至周弓之別有六矢之別有八侯之

別有三

皮侯五采侯獸侯

侯之別有三則大射賓射燕射之

侯也士無大射而有賓射燕射庶人無賓射燕射特

有主皮之射而已周官司裘於王共虎侯熊侯豹侯

設其鵠諸侯熊侯豹侯卿大夫共麋侯皆設其鵠此
大射之侯也梓人所謂張皮侯而棲鵠則春以功是
也射人以射法治射儀王射三侯五正諸侯射三侯
三正孤卿射大夫一侯二正士射彘侯二正此賓射
之侯也梓人所謂張五采之侯則遠國屬是也鄉射
記曰凡侯天子熊侯白質諸侯麋侯赤質大夫布侯
畫以虎豹士布侯畫以麋豕此燕射之侯也梓人所
謂張獸侯以息燕是大射之侯用虎熊豹麋之皮

飾其側而中又制皮以為鵠賓射之侯亦虎熊豹麋

之皮飾其側而中畫五色

朱白蒼黃玄

以為正燕射之侯

則畫熊麋虎豹鹿豕之形以象鵠此三射之別也然

司裘諸侯熊侯豹侯則畿內諸侯大射之禮也畿外

諸侯大侯參侯干侯故大射禮量人巾車張三侯大

侯之崇見鵠於參參見鵠於干干不及地武是也司

裘不言射侯以士無大射故也不言參侯以畿外非

司裘所共故也射人言士射侯二正則王三侯之為

虎熊豹諸侯二侯之為熊豹大夫之侯亦為麋可知也蓋大射以鵠則猶賓射之有正也賓射有皮則猶大射之飾其側也大射側中皆皮故曰皮侯賓射側皮而中五采故曰五采之侯則司裘射人之三侯二侯一侯其側則同而所異者中而已鄭司農釋射人曰三侯熊虎豹二侯熊豹是也鄭康成曰三侯五正三正二正之侯二侯三正二正之侯一侯二正而已其說非也蓋王三侯皆五正諸侯二侯皆三正經言

王五正康成謂有三正二正經言諸侯三正康成謂有二正可乎夫天子諸侯所尚者威孤卿大夫所尚者才士所尚者志威以服猛為事而虎熊豹皆猛獸也故天子大射之侯以虎熊豹才以除害為職而麋害穀者也故大夫大射之侯以麋士以有事四方為能以勝夷狄之守為善而肝胡犬也故士賓射之侯以肝然燕射天子降以熊諸侯降以麋大夫止用虎豹士用鹿豕者息燕勞功則禮殺於祭祀賓客故天

子諸侯殺其威然後能下下孤卿大夫隆其才然後能衛上大夫隆其才以至於威士隆其志以至於才則燕之為禮所以異乎大射賓射之嚴分守也麋鹿類也豕亦害物者也春秋以冬多麋為災詩以町疃鹿場為惠禮記以食田豕為虎之功此麋鹿豕之不可不除也然則畿外諸侯大射以大侯參侯干侯何也大侯熊侯也參侯麋侯也干侯豕侯也諸侯三侯熊為上故曰大侯大夫麋侯參於天子諸侯之侯為

三故曰參侯天子得以兼諸侯之侯故有熊侯諸侯
得以兼大夫士之侯故有麋侯駟侯康成以參為糝
謂糝侯豹鵠而麋飾以大夫用虎豹不忘上下相犯
士用虎豕不忘君臣相養非射禮之意也鵠取名於
鵠鵠正取名於題肩皆鳥之捷黠難中者故以中為
鵠焉其義則鵠者直也正也直已正志然後能中故
記曰不失正鵠者其惟賢者乎

毛氏曰二尺曰正的質也鄭衆馬融釋周

禮皆曰十尺曰侯四尺曰鵠二尺曰正四寸曰質王
肅亦曰二尺曰正四寸曰質又引爾雅曰射侯皮

謂之侯侯中謂之鵠鵠中謂之正正方二尺也正中謂之
鵠七尺也鵠周質也肅以爾雅故改質為六寸賈逵釋周
禮曰四尺曰正正五重
鵠在其內而方二尺 鄭衆馬融王肅則以正在鵠內賈

逵則以鵠在正內二者之說皆無所據要之大射之侯棲
鵠賓射之侯設正燕射之侯畫獸以象正鵠而已考工記
梓人為侯廣與崇方三分其廣鵠居一焉由是言之則賓
射之侯亦三分其廣正居一也蓋弓二寸以為中虎侯九
十弓則侯中丈八尺鵠方六尺熊侯七十弓則侯中丈四
尺鵠方四尺六寸有奇豹侯麋侯五十弓則侯中一丈鵠

方三尺三寸有奇鄭衆馬融之徒以四尺曰鵠誤也

侯制

大射量入量侯道以脰步大侯九十參七十千五十鄉
射記侯道五十弓弓二寸以為侯中倍中以為躬倍躬
以為左右舌下舌半上舌夫王之虎侯謂之大侯諸侯
熊侯亦謂之大侯諸侯大侯九十參七十千五十則天
子虎九十弓熊七十弓豹五十弓可知豹五十弓則麋
亦五十弓可知先儒謂弓之下制六尺則九十弓者五

十四丈七十弓者四十二丈五十弓者三十丈弓二寸
以為侯中則九十弓者中丈八尺七十弓者中丈四尺
五十弓者中十尺侯中廣崇方則五十弓之侯用布五
幅長丈則中之布方丈矣倍中以為躬則上躬下躬各
二丈矣倍躬以為左右舌下舌半上舌則上左右舌布
四丈而出躬各一丈下左右舌布三丈而出躬各五尺
矣鄭氏謂半者半其出於躬是也鄉射記曰侯道五十
弓射人若王大射則以鯉步張三侯大射量人以鯉步

量侯道蓋鯉善搏者也行則止而擬度焉其發必獲大射擇士欲其能擬度而獲也故以鯉步非大射則弓而已弓之下制六尺鯉再舉足亦六尺其為步同其所用異也古者制度取於身而器用生於類故侯道生於弓而侯中亦生於弓弓二寸以為侯中步中以為弓倍躬以為左右舌下舌半上舌而侯道之遠侯中之廣者雖不止此然十弓者侯道之所始也故五十弓之侯其上則象人八尺之臂五八四十而用布四丈其下則象人

六尺之足五六三十而用布三丈中其身也上下其躬也躬之左右出者舌也持舌者綱也籠綱者頤也其不及地者武而已則下綱其足也武其足迹也中人之迹二尺二寸則侯之制度取於身可謂備矣

天子虎侯

熊侯

豹侯

禮記郊特牲曰卜之日王立于澤親聽誓命儀禮大射

畢公入鵞禮記言王之出於澤儀禮言公之出於澤則
天子澤宮西郊小學也諸侯澤宮郊之大學也鄉射記
曰於郊則閭中此諸侯郊射之中也司裘天子大射三
侯虎侯侯道九十弓侯中丈八尺鵠方六尺熊侯侯道
七十弓侯中丈四尺鵠方四尺六寸有奇豹侯侯道五
十弓侯中十尺鵠方三尺三寸有奇鄭氏謂王之大射
王射虎侯諸侯助祭者射熊侯卿大夫士助祭者射豹
侯其說蓋以大射禮公射大侯大夫射參士射干而知

之也天子諸侯與其臣大射賓射皆異侯而燕射與其臣則同侯蓋異侯所以辨其等同侯所以一其驩也凡侯面北西方謂之左其張而未射也不繫左下綱中掩束之及射則說束遂繫左下綱

禮書卷一百五

欽定四庫全書


禮書卷一百六

宋 陳祥道 撰

射禮書圖


畿內諸侯熊侯

中與上下躬上下个
與天子熊侯之制同




豹侯

中
天子
上下
躬
侯
上下
之
制
同
个
與




畿內卿大夫麋侯

中與上下躬上
下个同豹侯



畿外諸侯大侯

中亦廣崇丈八尺上下
躬个亦與天子大侯同



參


侯

中躬

與廉


侯同

修




干侯

中躬个廣修
與參侯同




賓射


天子虎侯五正




熊侯五正




豹侯五正




諸侯熊侯五正



豹侯三正




大夫麋侯二正



士猗侯二正

卷一百六



畿內諸侯熊侯

中與上下躬上下个與天子熊侯之制同

豹侯

上中下躬上下个與天子豹侯之制同

司裘諸侯大射共熊侯豹侯鄭康成曰諸侯謂三公及
王子弟封於畿內者熊侯諸侯所自射豹侯羣臣所射
是也侯步之制蓋與天子熊侯豹侯同與畿外之熊侯
參侯異遠近屈伸之勢然也射人諸侯二侯四耦亦畿
內諸侯耳

畿內卿大夫麋侯

中與上下躬上下个同豹侯

司裘卿大夫射共麋侯侯道五十弓侯中十尺鵠三尺
三寸有奇天子諸侯之射與臣異侯尊君也大夫之射
與臣同侯避君也士事人非事與人者也故有僚友而
無臣故無大射擇士之禮

畿外諸侯大侯

中亦廣崇丈八尺上下
躬个亦與天子大侯同

參侯

中躬个廣修
與麋侯同

干侯

中躬个廣修
與參侯同

詩曰大侯既抗天子之侯也大射禮大侯九十諸侯之

侯也天子大侯九十步而諸侯大侯亦如之參侯以眡
天子熊侯干侯以眡天子豹侯則步中躬舌之制可知
大侯之崇見鵠於參參見鵠於干干不及地武鄭氏曰
中人之足長尺二寸以彘侯計之參侯去地一丈五寸
少半寸大侯去地二丈二尺少半寸是也何則干侯中
十尺上下躬舌名二尺為八尺則丈八尺矣又下不及
地尺二寸則彘侯上綱去地丈九尺二寸矣參侯中文
四尺上下躬舌八尺則二丈二尺矣鵠居侯中三分之

一則參鵠之下與豸侯上綱埒此所謂見鵠於豸也大
侯中文八尺上下躬舌八尺則二丈六尺矣鵠居侯中
三分之一則大鵠之下與參侯上綱埒此所謂見侯於
參也諸侯如此則天子虎侯見鵠於熊熊侯見鵠於豹
豹不及地武又可知也

天子虎侯五正

熊侯五正

豹侯三正

梓人曰張五采之侯則遠國屬五采之侯即五正之侯也然則射人王以六耦射三侯五正以至士以三侯射一侯二正皆賓射也鄭氏曰五正之侯中朱次白次蒼次黃而玄居其外三正損玄黃正二去白蒼而畫以朱綠賈公彥謂中朱以下皆以相尅為次南為首故先朱攷之聘禮記繅藉三采朱白蒼二采朱綠則三正去玄黃二正朱綠理或然也司裘諸侯大射二侯射人諸侯賓射亦二侯畿內諸侯也若畿外則三侯矣二侯四耦

則三侯六耦矣儀禮大射畿外諸侯之制也三耦射畢
然後公射又三耦射畢然後公再射乃獲飲觶則三侯
亦六耦也

獻服不獻釋獲者之後又命五耦然
不作射不作取矢以其非正禮故也

晉晉范

獻子聘於魯魯侯享之射者三耦公臣不足取於家臣
蓋方是時公室卑矣不能如禮

諸侯熊侯五正

豹侯三正

鄉射記君國中射則皮樹中於郊則閭中於境則虎中

先儒謂國中燕射也境賓射也然諸侯賓射不特於境而已其在國中亦皮樹中魯襄公享晉范獻子射者三耦此諸侯賓射歟

大夫麋侯二正

士豝侯二正

士有賓射而不預王之賓射故射人無士之摯位士無大射而與王之大射故司裘豹侯士射焉鄉射記言鄉侯之遠近廣狹而不言其侯鄭康成謂鄉射當張麋侯

欽定四庫全書

二正

禮書
卷一百六

禮書卷一百六